



POZORIŠTE MLADIH SARAJEVO

UGOVOR

o nabavci građevinskih radova na uredu za prodaju karata u JU „Pozorište mladih Sarajevo“

zaključili dana 28.12.2017. godine ugovor između:

JU Pozorište mladih Sarajevo, ul. Kulovića broj. 8, kojeg zastupa direktor Dr. Lejla Panjeta (u daljem tekstu: **Naručilac građevinskih radova**)

IB 4200180540001

i

ELOX-BH d.o.o., ul. Put Famosa 38 , Hrasnica kojeg zastupa direktor Hamid Mulaosmanović (u daljem tekstu: **Izvođač građevinskih radova**)

IDB: 4201056660003

PDV 201056660003

I PREDMET UGOVORA

Član 1.

Predmet Ugovora je izvođenje građevinskih radova u JU „Pozorište mladih Sarajevo“ (ugradnja aluminijskog profila antracit boje, dimenzija 2640 mm x 2705 mm i 2 pulta ispod prozora sa nosačima) na uredu za prodaju karata u JU „Pozorište mladih Sarajevo“ u 2017. godini (u daljem tekstu: građevinski radovi).

Ovaj ugovor zaključuje se na osnovu provedenog postupka direktnog sporazuma i Odluke o javnoj nabavci građevinskih radova na uredu za prodaju karata u JU „Pozorište mladih Sarajevo“ u 2017. godini, broj: JN-O- 415-02-2-1/17 od 19.12.2017.godine.

II VRSTA I OBIM GRAĐEVINSKIH RADOVA

Član 2.

Vrsta i obim građevinskih radova u JU „Pozorište mladih Sarajevo“, određeni su prihvaćenom Ponudom Izvođača građevinskih radova koja je sastavni dio ovog Ugovora.

III OBAVEZE UGOVORNIH STRANA

Član 3.

Izvođač građevinskih radova je obavezan:

- Izvođač građevinskih radova će radove iz člana 1. ovog ugovora izvršiti u roku od 30 dana od dana potpisivanja ovog ugovora, u svemu prema odredbama ovog Ugovora i Ponudi Izvođača građevinskih radova, Broj: PO179587 od 18.12.2017. godine, stručno i kvalitetno, saglasno važećoj zakonskoj regulativi, pravilima i standardima struke koja su na snazi danom zaključenja Ugovora.

Naručilac građevinskih radova je obavezan:

- a) Naručilac građevinskih radova putem nadzora nad građenjem, u skladu sa zakonom kontinuirano prati realizaciju radova iz člana 1. ovog ugovora, izvještava direktora JU „Pozorište mladih Sarajevo“;
- b) Naručilac građevinskih radova, o svom trošku vrši prijem izvršenih radova iz člana 1. ovog ugovora.

IV CIJENA

Član 4.

Ukupna cijena građevinskih radova iz člana 1. ovog ugovora je fiksna i iznosi:

=3.288,36 KM (slovima: trihiljadedvjestotinosamdesetosam i 36/100 KM), bez PDV-a, a sa obračunatim porezom 3.847,38 KM, (slovima: trihiljadeosamstotinačetredesetsedam i 38/100 KM).

V ROK I NAČIN PLAĆANJA CIJENE

Član 5.

Plaćanje cijene će se izvršiti na sljedeći način:

Naručilac građevinskih radova se obavezuje platiti radove iz člana 1. ovog ugovora u roku od 30 dana od dana završetka građevinskih radova i ispostavljene fakture Izvršioca građevinskih radova. Naručilac građevinskih radova je dužan da izvrši uplatu cijene iz člana 4. Ovog Ugovora na transakcijski račun Izvršioca radova kod BBI Banka 141 309 532 002 1465.

VI ROKOVI

Član 6.

Ugovorne strane su se saglasile da je rok za izvršenje građevinskih radova iz člana 1. ovog ugovora, 30 dana od dana potpisivanja ovog ugovora.

Garantni period za izvedene radove je 12 mjeseci. Pod garancijom se podrazumjeva obaveza Izvođača radova da o svom trošku otkloni sve nedostatke na predmetnim građevinskim radovima, koji su nastali uslijed nesolidno izvedenih radova ili lošeg kvaliteta ugrađenih materijala od strane Izvođača radova.

Prirodu i uzrok nastalih nedostataka na objektu predmetnih građevinskih radova u garantnom roku utvrđuju zajednički i sporazumno predstavnici potpisnica Ugovora i to odmah po obavjesti/pozivu Naručioća radova.

U slučaju da Izvođač radova ne otkloni nedostatke u zadanom roku, Naručilac radova može ugovoriti otklanjanje utvrđenih nedostataka sa drugim izvođačima, a za te troškove teretiti Izvođača radova.

Rokovi mogu biti produženi samo u slučaju više sile, opravdanog neispunjenja obaveze jedne od ugovornih strana, to jest na osnovu pismenog dogovora ugovornih strana.

Pod višom silom podrazumjevaju se elementarne nepogode većih razmjera i eventualni društveni poremećaji koji mogu uticati na realizaciju ovog ugovora (demonstracije, nemiri i sl.). Ugovorne strane moraju pismeno konstatovati da su nastupili uvjeti koje smatraju višom silom ili objektivnim



okolnostima, te se u tom slučaju rok produžava za onoliko dana koliko su trajali uvjeti više sile ili objektivnih okolnosti.

VII KAZNE NE ODREDBE

Član 7.

Svaka od ugovornih strana je saglasna da naknadi štetu nastalu drugoj ugovornoj strani ili licima izvan ovog ugovora, ukoliko do štete dođe njenom krivicom odnosno činjenjem ili nečinjenjem i propuštanjem rokova utvrđenih u ovom ugovoru.

Visina naknade za pričinjenu eventualnu štetu utvrdiće se po pravilima za naknadu štete važećeg Zakona o obligacionim odnosima.

VIII OSTALE ODREDBE

Član 8.

U slučaju propusta Izvođača građevinskih radova u izvršavanju Ugovora, Naručilac građevinskih radova može uz dostavljanje Izvođaču građevinskih radova pismene obavijesti o neizvršavanju ovog Ugovora prekinuti ugovorni odnos u cjelini ili u njegovom dijelu.

Član 9.

Sve eventualne sporove ugovorne strane će riješavati sporazumno u duhu dobrih poslovnih običaja i uzajamnog povjerenja. Ukoliko se sporazumno rješenje ne postigne nadležan je sud u Sarajevu.

Član 10.

Ovaj Ugovor stupa na snagu danom obostranog potpisa ugovornih strana po ovlaštenim licima. Danom stupanja na snagu ovog ugovora, stavlja se van snage Ugovor o nabavci građevinskih radova na uredu za prodaju karata, broj:159-02-2/17 od 19.12. 2017. godine.

Član 11.

Sve izmjene i dopune ovog Ugovora mogu se vršiti isključivo i samo uz pismenu saglasnost ugovornih strana.

Član 12.

Ovaj ugovor je sačinjen u 4 (četiri) jednaka primjeraka od kojih Naručilac građevinskih radova zadržava 2 (dva), a 2 (dva) primjerka se uručuju Izvođaču građevinskih radova.

Sarajevo, 28.12.2017.

Broj: 168-02-2/17

Za Izvođača građevinskih radova:

Direktor:



Za Naručioca građevinskih radova:

Direktor:

